



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

27. Dies Januarii. Non te Deus contemnit si redeas, etsi tu contempseris
cùm abibas.

urn:nbn:de:hbz:466:1-45477

Januar.

Tessera.

71

omnia corda, omnium lachrymas haberem! omnium cordibus, omnium lachrymis peccata deflerem; cum neque sic sufficerem, offero tibi Deus dolorem Dei Christi tui. Aspice in Filio, quo propitieris in servo. Quamvis juncta peccato bona forent omnia, nec ulla sequeretur peccantem poena; quamvis peccati perpetratione vitarentur omnia, quæ excogitari possunt tormenta, Deo auspice non amplius peccarem: fidenter dico, non peccarem. Hoc si tibi fixum est facere, quod facis, fac citò. Noli nimis cunctari. Malum, tempore fit majus, mora periculosius, curatu difficilius: & aperire Medico renuis? Vulnus est, & lethale quidem, & differs medicinam? Pondus est in abyssum usque deprimens, nec vis deponere? Atque hoc est primum elementum, quod tradit ars rectè vivendi: mali, quod vetat rectè vivere, expiatio, & offensus Dei reconciliatio. Pungunt ista, quæ dixi mala ad poenitentiam peccatorum, ad cautelam justum stimulant. Exaggero sua gravitate malum, ut persuadeam sua dignitate bonum. Potes abolere, quod incurristi malum, potes recuperare, quod amisisti bonum, uno suspirio, uno verbo. Audi Poëtam:

*Vis culpam delere? semel profer miserrere:
Per miserrere mei, tollitur ira Dei.*

27. DIES JANUARI.

Non te Deus contemnit si redeas, etsi tu contempseris cum abibas. *S. Chrysost. hom. de Jerem.*

E 4

I. Qui

Converti-
mur poeni-
tendo.

I. **Q**ui peccando à Deo recessit, necesse est, te poenitendo ad Deum redire, nisi velis æternum perire. Plus te peccasse doleas, quam meas. Sprexisti Deum cum abires, non spernes redeuntem. Execrare voluntatem, quæ in peccatum consensit; appetitum, qui allexit; sensum, qui peritiam aperuit, carnem, quæ titillando pellexit. Qui plus est bonus, plus odit peccatum, utpote summum bonum. Qui vero plus peccatum odit, plus peccatum destruere ambit. Nullus plus odit, vel odit potest peccatum, quam Deus: ergo nullus plus optat destruere peccatum, quam Deus. Magis igitur desiderat Deus peccata dimittere, quam peccator ipse jam poenitens postulat dimitti. Si delictum odit, & destruere cupit peccator, qui est malus, quanto magis Deus, qui est optimus? Omnes qui sua sunt, querunt: inter omnes solus Deus, quæ tuæ sunt, querit; suamque gratiam etiam post peccatum promptior est dare, quam tu accipere. Quid dubitas ad Deum converti? qui vult, invitat, vocat, urget te ad se reverti? & minatur, nisi revertaris? Qui invitat, ut venias, repellit dum venies? Apud Deum, quem poenitet peccasse, penè est innocens, quia est homo recens. (a) *Tuos non aspernabitur reditus, qui ut redeas, suos demonstrat affectus.*

II. Age, quantum tibi plaudendo gratulareris, imò ut tibi congratularentur, convocares amicos, si tuo vel ingenio, vel labore, vel industria, vel virtute traductus fuisset à synagoga ad Ecclesiam, à Judæis ad Christianos, perfidia ad fidem Christi, magnus ille

(a) Chrysost. *suprà.*

ille mundi Magister Paulus? Nonne tanti viri conversio mira tibi foret exultatio? Nunquid tibi esset ingens & lætandi, & te jactandi, ac gloriandi materia, posse dicere: Mihi debentur illa tam gloriosa summi illius Herois, quæ inter Gentiles patravit facinora. Observa hîc ordinem charitatis. Charitas incipit à seipso. Fac ipse tibi, quod gauderes per te, factum alteri. Mavult Deus, tu te unum convertas, quàm per te, convertantur omnes. Sicut malle debes, perire homines omnes, qui sunt, fuerunt, erunt, quàm te solum; sic magis satagere debes, ut tu unus convertaris, quàm reliqui omnes. Quid ergo tibi irvides illud bonum, tantam gloriam, tam invidendam felicitatem? si in tuo foret arbitrio, quotquot sunt in Urbibus Consules, in Templis Præsules, in Provinciis Præsides, in Palatiis Reges; imò quotquot sunt in orbe homines perfundere immenso quodam gaudio, ita ut omnes omnib⁹ incenderent lætitiis, idque nullo negotio, facili labore, unius manus motu, aut pedis incessu, an hoc negligeres? Nolles tibi tot devincire?

III. Plus potes, quàm dixi, plus forsân, quàm ut possis credere. Scis quot sint in cœlo Angeli: illorum numerus est prope innumerabilis. Sunt plures quàm sint in cœlo stellæ, in littore arenæ, in agris gramina, in arboribus folia, in pecudibus pili, in hominibus capilli. Est turba, quam dinumerare nemo potest. Hos omnes tot numero cœli procures, potes, dum placuerit, immenso gaudio perfundere, attestante ista Veritate: (a) *Gaudiū erit coram Angelis super uno peccatore, pœnitentiam agente.* Imò hoc gaudium redundabit in Apostolos, Patriarchas, Prophetas,

(a) *Luc. 15. 10.*

E s

Con-

Confessores, Virgines, Martyres, Cœlites omnes extendet se ad ipsam Dei Matrem, Dei Filium, in totam cœlestem curiam: Hinc dicit Christus: *Gaudium erit in cœlo*. Et malis momento uno, jacere in cœno, amplecti lutum, quàm toto gaudio implere cœlum? Indurate peccator, credisne sacris litteris? Credis Deo, qui toties, & tam multa dixit contra cordis tui duritiem? Vide, quid à te requiritur. Nihil prorsus quod non possis, non jejunia, non eleemosynæ, si non possis, non prolixiores, quàm possis preces fundere, non quidquid extra te est; sed hoc unum, quod à te totum est, ut te præteritorum poeniteat, & seriò resipiscas. Dic ergò prodigus cum prodigo: (a) *Surgam, & ibo ad Patrem*. (b) *Qua spe* (ait Chrysologus) *qua fiducia, qua conscientia? Qua spe? illa qua Pater est. Ego perdidici, quod erat filii, ille, quod Patris est, non amisit. Apud Patrem non intercedit extraneus: intus est in Patris pectore, ipse qui intervenit, & exorat affectus. Urgentur Patris viscera iterum filium genitura per veniam. O quam facilis est post delictum venia delicti. Ut sis post innumera scelera sine periculo tutus, sufficit vel unicus in Christum obtutus; ita monente Poëta:*

Si male fecisti, mox respice vulnera Christi.

28. DIES JANUARI.

Poenitere, non impeditur temporis angustia, Dei misericordia. *S. Chrysost. in Psal. 50.*

I. Ad-

(a) *Luc. 15.* (b) *Sermon. 2. de Filio Prod.*